

**P**ENINSULA hæc Noui Orbis, quæ tota ferè in Meridiē porrigitur, Africæ & ingenti Pyramidi persimilis est, cuius basis propè Isthmum est ac versus Boream, quam quidem illa terra efficit quæ Hispanis Firma vocatur. Vertex seu cuneus sensim extenuatus ad Magellanicū definit fretum versus Antarcticum polum grad. penè 53, ab Aequatore diffidens. Orientale latus pulsatur vastissimo Oceano del Nort vocato. Occidentale verò ingenti clauditur itidem Oceano qui vulgo Mar del Zur, & Pacificum vocatur. Totius huius continentis Meridionalis circumnavigationem ferrunt complecti 16000 miliarium; cuius sanè Orientalis pars à Maragnone fluo ad Argenteum usque fluuum vulgo Rio della plata, Lusitanorum iuris est: reliquum Hispaniæ Regibus acquisitum est. In hac porro Orbis portione sunt continua serie à Borea ad Austrum expansi montes spectatae Celsitudinis, ad quorum cacumina nec aues suo volatu ascendere queunt. ab his ingentes exoriuntur fluuij, qui ad utrumq; Oceanum suas aquas mittunt: inter hos celeberrimi & magnitudine admirandi sunt Argenteus & Maragnon. Argenteus ab argenti copia sic dictus: is enim quacunque tedit, agros & incolas inexhausta argenti opulentia afficit. Postea permultis influentibus annibus adauetus, in Oceanum del Nort ingenti ostio quadraginta leucarū amplexo præcipitat. Maragnon quoque in immensam latitudinem ac longitudinem patet: ferunt enim nauigatum fuisse sex millibus miliarium, eiusque ostium 70. leucas complecti. Est præterea hæc Noui Orbis pars auri & argenti miro prouento beata, atque omnibus affluit rebus tam ad humanæ vitæ necessitatem quam ad delicias. nec defunt in ea pretiosi lapilli. Multæ ac innumeræ in hac sunt regiones, quarum quædam cognitæ sunt ac satis exploratae: nonnullæ verò vix nomen notum habent, quod vel ob eorum inopiam accidit, vel ob incolas bellicosos, terribiles ac indomites. Præcipue verò earum sunt Castella aurea, Peruua à qua tota peninsula nomen trahit, Chile, & Brasilia, quæ ab Hispanis & Portugallensibus satis cultæ sunt. Castella aurea, vulgo Castiglia del ozo, totum occupat isthmum quo America huic Peruua constringitur, cuius latitudo 18 leucas occupat. est autem malè habitata ac parum culta ob Cœlum inclemens, & stagnantes aquas. duæ tamen in ea sunt celebres vrbes ac populo frequentes, iuxta utriusque pelagi littora ad appellentium opportunitatem extructæ, licet insalubri & ipsæ potiantur aere, nempe Theonyma, vulgo Nombre de dios, quæ Mari del Nort: & Panamais quæ Mari Pacifico apposita est. & hæc quidem vrbes quæcunque vel è Peruua regione in Hispaniam deportantur, vel ex Hispania in Peruuiam adueniuntur, sido portuum hospitio excipiunt. Peruua propria, totius vniuersalis Peruuiæ prouincia famosissima, à Peru fluo nomé trahit, & detecta primum fuit anno 1525. à Francisco Pizardo, qui postmodo eius prouincia præfectus ordinatus plenè eā peristravit & occupauit. Diuiditur hodie in tres partés, in planitiem, in Sieras seu montaniam, & in Andes seu ultramontanam. Planities Peruuiæ iuxta maritimam oram expandit miliaribus propemodum mille & quingentis (de Italicis hic loquimur) eiusque latitudo maior ad sexaginta miliaria accedit. Est autem hæc pars sabulosa, solitudinibus frequentibus deformis, ac maiore ex parte sterilis, præsertim cum nec vlos habeat fontes aut lacus, nec vllis imbris aut pluuijs vñquam adiuuetur. Montana regio Peruuiæ longo extenditur tractu à Septentrione ad Meridiem mille circiter leucis, nec magis à Mari recedit quam 20. leucis, & aliquibus in locis minus, suntque hi montes admodum frigori obnoxij, in ijsque frequenter niues cadunt, nec arbores ut plurimum proferunt, vnde ignem ex terra quadam ad hoc apta incolæ fouent. Re-

periuntur



periuntur h̄c leones, lupi, v̄rsi nigri, capreoli, & quoddam pecudum genus camelis simile, & quarum lana vestes gauſſapi nas, & alia necessaria conficiunt. Continentur inter hos montes multæ amplæ valles ac profundæ, fertilissimæ, ac populo numerosissimæ, cūm aere potiantur calidiore. Et incolæ quidem harum vallium ceteris huius tractus ingeniosiores, animosiores, ac ciuiliores sunt. Andes sunt etiam montes, sed continua ſerie produc̄ti absque vallibus, qui etiam ex Sept. in Meridiem incedunt. Chile prouincia à Meridie Peruuiæ regionis iacet ad Mare Pacificum exposita, quæ ab incredibili ipsius frigore noinen adepta est. h̄c autem pluias, fulmina, & totius anni mutationem sentit quemadmodum Europa. eftq; partim maritima, partim montana, sed iuxta Mare aliquanto incalescit. Fert autem omnifariam fructus ex Hispania allatos, & magnū mittit pecudum & struthionum numerum. Huius fluuij interdiu decurrent, noctu verò frigore penè gelati tardè ac debiliter incedunt. Incolæ proceri sunt, bene dispositi ac bellicosi, quorum arma sunt arcus & sagittæ, eorum vestitus ex animalium pellibus ac luporum marinorum fit. metropolis eius est D. Iacobii vrbs, vbi nunc noua Hispanorum colonia coalescit. Brasilia regio inter duos ingētes fluuios iacet, nempe Maragonem à Sept. & Argyreum (vulgo rio della Plata) à Meridie & partim ab Occasu, à qua etiam parte ad altissimos Peruuiæ montes accedit, sed ab Ortu vastissimo Oceano del Nort pulsatur. Hanc autem Brasiliam Americus Vesputius Emmanuelis auspicijs accuratius exploravit, atque à duobus ab Aequatore gradibus partibus ſuę, ad gradus 45. in Austrum excurrens, tricorni oblongi specie refert, cuius basis in Aequatorem ac Septentriones obuerfa ab Oriente in Occidentem recta protenditur. angulus extremus ignotas ad Meridiem regiones attingit. latus in Orientem spectans, interposito Oceano Hesperijs Aethiopibus obiacet. alterum latus à Prouincia Peruana disterminant iuga montium adeo celsa, vt ipſos auium volatus fatigare dicantur, vno dunataxat, quod adhuc exploratum fit, eoq; difficillimo trā. ſitu. Regio fermè tota imprimis amœna est, cæli admodum iucunda, salubrisq; temperies. Scater ea tota fermè plaga fontibus ac fyluis amnibusq; que inclytis: è quibus (vt reliquos taceam) is quem Argenteum vocant, leucarum 40. ostio in Oceanum fertur adeo violentus, vt inde nautæ dulces hauriant latices priusquam tellurem ex alto cōſpiciant. Terra partim in planitiem exspatians, partim in colles clementer affurgens, felix præpinguibus glebis & riguo solo, temperque vernante, credita ſemina multipli reddit ſcenere; & ſacchari præſertim est ferax, quod cæleſte donum Atrico meli longè anteferendum, proceris arundinibus condidit natura: è quibus aquaria mola dulcissimus humor expressus, in ahenis ad purum excoquitur. De huius & reliquarum Peruuiæ prouinciarum mira fertilitate ſcribit Io. Peterus Maffeiſus, conſule quoque Maginum, Boterum, & alios.

